



03/09/2025



MES 0 25 0001065051

გადაწყვეტილება

ა(ა)იპ - ნიუ ვიჟენ უნივერსიტეტის "განათლების მეცნიერების" ინგლისურენოვანი სადოქტორო საგანმანათლებლო პროგრამის აკრედიტაციის შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ 27² -ე მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ - ე მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ - ე მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ „უმაღლესი განათლების შესახებ“ საქართველოს კანონის 66-ე მუხლის მე-4 პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის მე-8 პუნქტისა და აკრედიტაციის დებულების 27⁶ - ე მუხლის პირველი პუნქტის „ა“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „სრულად ან/და მეტწილად შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მადიებელს მისცეს რეკომენდაციები.

1.4. „აკრედიტაციის დებულების“ 27⁶-ე მუხლის პირველი პუნქტის „ბ“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან ან „არ არის შესაბამისობაში სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნული ცენტრის დირექტორის 2025 წლის 06 მაისის №493048 ბრძანების საფუძველზე, განხორციელდა დაწესებულების "განათლების მეცნიერების" ინგლისურენოვანი სადოქტორო საგანმანათლებლო პროგრამის შეფასება.

2.2 საბჭომ შეისწავლა საგანმანათლებლო პროგრამის აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მამიებლის მიერ ცენტრისთვის წარმოდგენილი არგუმენტირებული პოზიცია.

2.3 სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მამიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ გაიზიარა ექსპერტთა დასკვნაში დაფიქსირებული შეფასება.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² -ე მუხლის პირველი პუნქტის, 27⁵ -ე მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ -ე მუხლის პირველი პუნქტის „ბ“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის №223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად,

გადაწყვეტა:

1. დაკმაყოფილდეს ა(ა)იპ - ნიუ ვიჟენ უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ "განათლების მეცნიერების" ინგლისურენოვან სადოქტორო საგანმანათლებლო პროგრამას მიენიჭოს აკრედიტაცია 7 წლის ვადით, 2032 წლის 18 აგვისტომდე.
2. ცნობილ იქნას აკრედიტაციის ექსპერტთა ჯგუფის დასკვნა "განათლების მეცნიერების" ინგლისურენოვანი სადოქტორო პროგრამის შესახებ ამ გადაწყვეტილების განუყოფელ ნაწილად (დანართი №2).
3. ცნობილ იქნას საბჭოს 2025 წლის 3 სექტემბრის სხდომის №1065040 ოქმის № 02 ნაწილი ამ გადაწყვეტილების განუყოფელ ნაწილად (დანართი №3).
4. დაწესებულებას საბჭომ შესასრულებლად განუსაზღვრა შემდეგი რეკომენდაციები:

რეკომენდაციები:

- რეკომენდებულია პროგრამის/კურსის შინაარსის რესტრუქტურისაცია, რათა შეიქმნას სივრცე სტრატეგიული მენეჯმენტის, ინოვაციების, ლიდერობისა და მდგრადი განვითარების თემების გაფართოებული და უფრო სიღრმისეული შესწავლისთვის სავალდებულო კურსის კომპონენტში;
- რეკომენდებულია პრაქტიკის/სტაჟირების კურსის ჩართვა არჩევით შეთავაზებებში, რათა გაიზარდოს სტუდენტების პრაქტიკული გამოცდილება და თეორიული ცოდნა;
- რეკომენდებულია, დაინერგოს პროგრამაზე ჩარიცხვის მკაფიო კრიტერიუმები, რომლებიც ნათლად განსაზღვრავს დოქტორანტურის დონის საგანმანათლებლო კვლევისთვის აუცილებელ ფუნდამენტურ კომპეტენციებსა და წინაპირობის სახით

საჭირო ცოდნის სფეროებს, პროგრამის ინტერდისციპლინარული ხასიათის შენარჩუნებით;

- რეკომენდებულია, პროგრამის დოკუმენტაციაში პირდაპირ იქნეს ჩასმული ინგლისური ენის აღიარებული და დასაშვები საერთაშორისო სერტიფიკატების შესახებ ყოვლისმომცველი ინფორმაცია, რათა ეს ინფორმაცია საჯაროდ ხელმისაწვდომი იყოს დოქტორანტურის კანდიდატებისთვის;
- რეკომენდებულია, შემუშავდეს სტანდარტიზებული შეფასების რუბრიკები კვლევის მონახაზების, პირადი განაცხადებისა და გასაუბრების შედეგების შესაფასებლად, რათა უზრუნველყოფილ იქნეს უფრო თანმიმდევრული და გამჭვირვალე შეფასების პროცესები ყველა კანდიდატისა და მიმღები კომისიის წევრისთვის;
- რეკომენდებულია, შემუშავდეს უფრო სისტემური მიდგომები შესაძლებლობების დაგეგმვისა და ხელმძღვანელთა განაწილების მიმართ, მათ შორის პოტენციური ხელმძღვანელებისთვის ხელმისაწვდომი კვლევითი პროფილების შექმნა, რათა ხელი შეუწყოს ხელმძღვანელისა და კანდიდატის უფრო ეფექტიან დაწყვილებას და რესურსების დაგეგმვას;
- რეკომენდებულია, ფართო სწავლის შედეგებსა და შეფასების კონკრეტულ ინსტრუმენტებს შორის შესაბამისობის პრაქტიკული განხორციელება, განსაკუთრებით ღირებულებებსა და უნარებზე დაფუძნებული შედეგებისთვის;
- რეკომენდებულია, ელექტრონულ სასწავლო რესურსებზე წვდომა შესაძლებელი იყოს უნივერსიტეტის კამპუსის გარედანაც, რათა ყველა დოქტორანტს ჰქონდეს სამართლიანი და ეფექტიანი კვლევის შესაძლებლობა;
- რეკომენდებულია, დოქტორანტებისთვის გამოიყოს ფიზიკური სივრცე, რათა ხელი შეეწყოს ფოკუსირებულ სწავლას, თანამშრომლობით მუშაობას და აკადემიურ ინტეგრაციას;
- რეკომენდებულია, შემუშავებულ იქნეს ოფიციალური საორიენტაციო პროგრამა (მაგ., გაცნობის დღე ან საორიენტაციო კვირა), რათა სტუდენტებს გააცნოთ ინსტიტუციური პროცედურები, აკადემიური მოლოდინები და ხელმისაწვდომი დამხმარე სერვისები;
- რეკომენდებულია, ხელმძღვანელობის ხარისხისა და თანმიმდევრულობის მონიტორინგისთვის, დაინერგოს სტრუქტურირებული ინსტრუმენტები, როგორცაა ხელმძღვანელობის ჟურნალები, წლიური პროგრესის ანგარიშები ან ინდივიდუალური განვითარების გეგმები (IDP);
- რეკომენდებულია, ინგლისური ენის ცოდნის არსებული პოლიტიკის აღსრულება იმის უზრუნველსაყოფად, რომ ყველა პედაგოგი აკმაყოფილებდეს საჭირო სტანდარტებს, ვინაიდან ამჟამინდელი მტკიცებულებები მიუთითებს პოლიტიკის არათანმიმდევრულ გამოყენებაზე, რაც საფრთხეს უქმნის ინგლისურენოვან სადოქტორო პროგრამაზე სწავლების ხარისხს და სტუდენტების სწავლის შედეგებს;
- რეკომენდებულია, ინტერდისციპლინური სფეროს წარმომადგენელი (სამართალი, მედიცინა, სიცოცხლის შემსწავლელი მეცნიერებები და ა.შ.) ყველა თანახელმძღვანელისთვის ყოვლისმომცველი პროფილებისა და კვალიფიკაციის დოკუმენტაციის წარმოება; ასევე რეკომენდებულია, განათლების მეცნიერების ფაკულტეტის ყველა წევრის რეზიუმეს განახლება, რათა წარმოაჩინოთ პერსონალის კომპეტენცია და აწარმოოთ მოქმედი პერსონალის ჩანაწერები, რაც აუცილებელია პროგრამის სათანადო შეფასებისთვის;
- რეკომენდებულია, ფაკულტეტის კვლევის გააქტიურების ყოვლისმომცველი სტრატეგიის შემუშავება და განხორციელება, რათა უზრუნველყოფილი იყოს ადგილობრივი აკადემიური პერსონალის ჩართვა აქტიურ კვლევით საქმიანობაში, რაც აუცილებელია დოქტორანტების ხელმძღვანელობისთვის და ინტერდისციპლინურ სადოქტორო პროგრამაში შესაბამისი აკადემიური სტანდარტების შესანარჩუნებლად;

- რეკომენდებულია, სავალდებულო ლიტერატურაზე სანდო წვდომის უზრუნველყოფა როგორც ადგილზე - საუნივერსიტეტო ბიბლიოთეკით, ასევე დისტანციურად. კერძოდ, უნდა განახლდეს დაწესებულების ვებგვერდზე არსებული ელექტრონული კატალოგის ბმული; კატალოგი სრულად უნდა მოიცავდეს სილაბუსებში ჩამოთვლილ ლიტერატურას; და სილაბუსებში მითითებული ყველა სავალდებულო წიგნი უნდა აიტვირთოს Google Drive-ის სპეციალურად გამოყოფილ საქალაქო ფაილში.

4. საბჭოს აღნიშნული გადაწყვეტილება ძალაში შევიდეს 2025 წლის 18 აგვისტოდან.

5. საბჭოს მიერ გაცემული რეკომენდაციების შესრულების შესახებ ანგარიშის წარმოდგენის ვადად განისაზღვროს ერთი წელი - 2026 წლის 18 აგვისტო.

6. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ. თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი №64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) კანონმდებლობის შესაბამისად დაწესებულებისთვის გაცნობის დღიდან, ერთი თვის ვადაში.

საგანმანათლებლო პროგრამების აკრედიტაციის
საბჭოს
მდივანი
კელიხაშვილი ვაჟა

სსიპ-განათლების ხარისხის განვითარების ეროვნული
ცენტრი
საგანმანათლებლო პროგრამების აკრედიტაციის საბჭო
წევრი
ელიზბარაშვილი ელიზბარ

საგანმანათლებლო პროგრამების აკრედიტაციის საბჭოს
სხდომის მდივანი
დურული ციური

საგანმანათლებლო პროგრამების აკრედიტაციის საბჭო
თავმჯდომარე
ლევან შავაძე

